

小園詩存

小園詩存

感懷

園卉何蕤蕤野花亦翩翩動人非顏色意態嬌且妍貴賤亦何有愛此形神全

看錦上花朱紫空自鮮
桐爨亦已矣胡爲斲作琴古調無人識遑論弦外音獨客娛遙夜悲風來空林衆
樂皆悅耳何獨傷我心

野井

碧水數尋草四圍荒途過飲客來稀偷承汲引非無用濟世休嫌功尙微

雪竹

勁節其如薄命何折腰終日涕滂沱朝來幸得春陽顧頭欲擡時淚轉多

月夜

萬里同明月孤城獨倚欄家貧作客早世亂見才難鄉夢秋來遠征衣病後單遙
憐人不寐相憶夜漫漫

東陽趙寶卿



3 1762 9355 7

白巖

危巖不須鑿，容佛自成龕。聞磬疑花動，聽泉覺茗甘。輕烟籠晚樹，空翠滴晴嵐。莫便下山去，新詩待更參。

桃花源

桃源在人世，流水一曲通。桃花繽紛落，春老餘殘紅。鷄犬了不聞，全村叫鷓鴣。中人面知何處，黃髮多衰翁。延客不作食，云今歲不豐。廢然扶向路，誰復誌西東。

西湖懷古

十里烟霞鎖曉巒，君王到此萬愁寬。海東有路心初穩，漢北無書夢轉安。父老空煩牽犢餉，湖山祇許跨驢看。劇憐貪祿逢迎者，長跪墳前鐵已殘。

讀史有感

秦王皇嘗拜大夫松河印，項王不肯封。功狗垂烹猶不悟，可憐人爵誤凡庸。

子夜歌

少坐心頻動，未飲顏已酡。來時嫌伴少，見郎嫌伴多。與郎期月下，薄暮天偏雨。悔未細叮囑，風雨均無阻。

睡起偶成

黃梁未熟日遲遲
庭院無聲花滿池
撫枕漫嫌春夢短
夢長亦有醒來時

紅牆

紅牆咫尺隔蓬瀛
夜靜猶聞磬咳聲
悵望幾回腸欲斷
有情無意不分明

蘭江夜泊

輝煌花舫滿江干
飲博喧呼夜易闌
孤客美人都不寐
可憐同是爲飢寒

短歌行

流血不多功不成
黃金印重頭顱輕
白骨盈野復盈城
千里斷絕鷄犬聲
人生不可生
亂世縱不戰死亦餓死
試上高山望城市
小民蠢蠢恰如蟻

頤和園

漢帝議征西南夷
習戰先鑿昆明池
清后欲驅沿海寇
仰求天助營萬壽
排雲殿接衆香界
憑高頓覺禁城隘
籌邊官死道路中
養頤人臥烟霞外
湖邊畫舫天生成
金牛穩臥湖水平
湖上人豔說昆明祇
談風月不論兵
國破家亡湖尙在中國
從茲無外海
萬壽山排雲殿衆香界昆明湖石舫鉅犀皆園中景

馴象行

在山不讓獅與虎出山蠹乃如鹿豕低捲長鼻任人弄頻搖短尾若自喜終日拜舞但一飽乖迕動輒遭鞭箠能通人語應有知如此求生何如死

鼓辭

佳人手自按紅牙四坐凝神靜不譁金鼓縱嫌饒殺氣亦應強似後庭花

故宮

金碧輝煌處處同玉堂珠殿暗相通閒遊半日頭生暈終歲何堪閉此中

飲水

服藥更飲水方知水味甘我負水久矣慨然懷江潭曲肱自足樂椒蘭舊所耽張翰思鱸膾於我已爲貪明日載舊瓢扁舟回江南

不寐

不寐老將至已窮志未降小樓一夜雨歸思滿長江

盧丈文泉七十

十年懷令德一笑見胸襟避世甘貧賤論才薄古今談鋒垂老健吟癖入秋深何

以爲公壽瓣香一片心

湖心夜望

泛舟人少夜猶寒萬頃琉璃靜處看坐久浪平燈影直湖濱顯出玉欄干

潮神生日海寧觀潮

鼉吼蛟騰浪勢驕石塘欲裂遠山搖紛紛但見人投燭無復錢王事射潮家住大江發源處菊花籬外卽長堤江流不爲傳花信却送離心直向西

越王臺

高閣崇階擁古廳前山如幃後如屏臥薪嘗膽知何處惟見當年飲酒亭

東湖

峭壁崢嶸若扇張亭台多在水平中央休嫌不是天然美近日西湖亦豔妝

曹娥廟

輝煌新殿鬱崔巍殿後仙壇日一開村女未知奉何佛紛紛邀福過江來

閨意

郎貌欲如花郎心欲如石來日賽龍舟女伴多於鰈

夜出

背燈夜驟出不辨路縱橫暗中立稍久星光有餘明衆星長如斯我眼或蔽之去
蔽實在我天地無暗時

擬古詩十九首

行行重行行前往莫踟躕踟躕亦何益身在天一隅回望無所見幽荒風物殊縱
有排雲翮世網多牽拘區宇正板蕩故鄉無來書欲勸加餐飯未知歲何如

東風掃霜雪百草生胭脂佳人當牕牖沈吟有所思巢燕去又返君子遊未歸芳
心如春草隨風到天涯

名都一何壯山川翼龍虎崔嵬達宦居冠蓋盈庭戶市朝倏異勢新舊皆易主來
者氣如虹去者色如土天地爲蘧廬富貴在何許

良農多嘉會金尊照玉顏華月流素暉輕雲翻層瀾清歌娛心意人倦興未闌古
人重夜遊努力盡餘歡賓主各已醉爾醒良獨難

高樓臨衢路楊柳蔭曲欄東風嫋嫋過纖腰舞作團古琴發新聲哀響落雲端敢
云歌者苦但願聽者歡曲終多感慨盛年在一彈

涉江采芙蓉秋深花已老采之傷我心何以致遠道知音不可遇枯榮隨蔓草天寒歲欲暮他鄉有何好

涼夜月明多愁人不成寐斗柄西北傾炎威日夕殺舊友失權勢稍復禮流輩盛衰有代謝君子存故態明月照塵世長在浮雲外

秀竹有高節甯隨秋草萎此身一相許死生兩不疑山川無阻隔魂夢相追隨所憂風霜厲敢恨音書遲君亮絕恩義妾心終不移

月中有桂樹斧斤不能傷天上清陰滿人間桂花香珍重挹餘芬因風寄遠方遙心屬霄漢共此明月光

迢迢初長夜淒淒新別處歲凶牛已驚成遠婦求去側耳多哀怨舉目無親故忍灑千行淚悵望雙星渡

少年薄前輩賤老厭腐儒老人復傲散自與衆人疏耳目無生意心如衰柳枯松柏獨後凋歲寒綠葉敷朝榮何足貴晚節君當摹

東城多華屋南樓接層臺重門皆深鎖雙燕自去來樓中有思婦懷春獨徘徊撫箏不成曲長歌有餘哀芳年如落英墮地化塵埃安得凌風翼翩翩與燕偕

陰陽有消長生死如來去莊周齊彭殤孔聖爭旦暮百年固短促寸陰甯虛度上
智每放蕩下愚空憂慮有心逐歡樂不如行我素無求卽神仙貪得君已誤
人生皆惡死愁見邱與墳客居不擇地乃與鬼爲鄰疾病念鄉里少愈復因循蕭
蕭秋風起清沼無綠蘋古墳忽傾圯枯骨暴水濱去去莫回顧欲歸豈無因
吾生賴衣食惜費未可非不用反爲累多取復何爲石崇殉金谷董卓燃臍脂後
世皆不悟但爲螻蟻嗤

春風攪良夜飛花落枕邊佳人南窗臥芳心孤月懸朦朧方合眼瞥見車騎旋恍
惚自疑夢仰望月在天依依恐復去握手涕淚漣漣僂僂呼喚漫應令勿前真幻
兩錯雜起坐意茫然夢好固無益慰情勝不眠

佳人在天末深心託飛鴻寥寥數行書縣縣不可窮韞櫝什襲藏餘香繞房櫳相
思一展玩日久意彌重豈徒字不滅髣髴見殊容奈何阻重深音翰不再通

客從遠方來遺我一團扇到遲時已乖絨密色不變殷勤故人心見扇若見面團
圓似有意明年合相見

明月何皎皎深夜入我房暉光無疏密清影有圓方處世良不易鑿柄互相妨客

行執云樂對月多感傷願得免凍餒與君安故鄉

書懷

癡頑成性苦難鑄誤我平生是信天破褐偏憂冬太煖下機不謝婦相憐貧而無
諂斯窮矣傲若有餘尙矍然敢謂內充薄富貴正愁富貴復求仙

重遊海昌

重來復當去乘興且閒行江上風潮幻愁中歲月更犀殘留鐵在鴈過覺寒生古
柳不堪折蕭蕭無限情

酬李君

壯氣豪情日漸銷無心覽物奏長謠酬君偶得悲涼句江岸平添數尺潮

徵兵行

世間萬事如水火爲利爲害全在人執戈衛國男兒事強徵巧避何紛紜朱門車
馬自喧闐陋巷冷落絕人烟傷心莫敢怨不平徒恨己身弱且貧里正社長膽如
斗出入生死勢絕倫縣官聞之長歎息欲治亂絲愁愈焚况復軍令急如火但求
無過姑因循如水益深火益熱坐令要政殃吾民吾聞勞民必先信生道殺民無

怨言不才監司一筆勾毋使害馬亂其羣君有妻子須推恩君有口舌莫防川衆
心詎可使離散饑狼餓虎在我前

愁中作

底事安居總不安追歡時復不成歡浮名如酒醉人骨誤我明知去已難
銳意讀書偏渴睡有心尋夢不成眠無關得失尙如此求艾何堪病七年

戲和錢令頭番雪

初涉紅塵愁便合漸增白望愧難禁翻飛尙有凌霄意補闕空懷濟世心未必春
風客入座惟應明月伴孤吟中原滿目皆腥穢一洒何當竟作霖

初春田園雜興

刪竹留新筍編籬接短牆欲教春水活引鴨入池塘

除草

庭園豈必都無草祇要隨行不礙花亂葉繁根略除翦教他樛結護泥沙

栽樹

破曉蒙霜鋤蔓草中宵冒雨護柔枝羣兒不識栽培苦祇愛花開實熟時

雀牌歎

古來尤物多不死，化爲牙牌與骰子。依然有色復有聲，髣髴伊人呼欲起。瓊肌豐盈，玉不如嬌態。婉婉轉珠相似，冬可禦寒，夏祛暑。以之治病，病良已。豈徒喜怒奪汝意，直教相思入骨髓。男女雜沓，長幼亂舉，國傾倒如風靡。俾畫作夜天地昏，遂令生民半爲鬼。君不見錢塘雪夜，敵渡江守軍飲博皆死矣。

紙烟歎

乞兒求化得數錢，不買餅餌先買烟。春寒餓死酒樓前，賭徒五鼓尙未眠。煙盡神昏，涕漣漣爭覓烟尾。藩溷邊賈客滿載，濟巨川。烟火星星，夜着棉千人一炬。烟滿天，先生聞此意，爽然發誓戒絕志彌堅。忽聞香氣口垂涎，今年且過期來年。

得鳳兒由吉安抵宜山書

離家愈遠，暗心傷。乍見報書，喜欲狂。一目十行，竈讀過從頭。仔細更參詳。

有感

春蠶未熟，蚊成市。香蜜珍藏，蟻作窠。不會蒼蒼生物意，益蟲偏少害蟲多。

雜詩

兵非盜不活吏非囚不尊頗如貓與鼠相制終兩存拙哉無食貓偵邏何殷勤
 愛人效其顰雖惑意可取世人重玉貌安知醜者苦幸勿爲人容汝笑彼亦怒
 父子每責善姑婦常交惡輾轉易地處身歷猶不悟夫婦不可易安得無乖迕
 鷄骨如鐵石魚骨如芒刺願盡化爲肉一快食者意倘無骨不活亦省食者事
 鸚鵡自能鳴胡爲作人語人云汝亦云有人甯有汝鐵鍊在汝足盍求人解去
 名花無媒灼芬芳集嘉賓小蟲無鱗甲惡臭護其身美惡不可強君當恕小人

不寐

我心窄如眼不能容滴瀝日有毛髮事夜輒不安枕自戒勿動心心動乃愈甚緬
 懷寇萊公履危猶酣寢庸人病自擾求醫徒貽哂誓當養吾勇不怕更漏盡

反一將成功萬骨枯詩意

莫以貪功罪武夫甲兵未可一朝無人生天壽均灰滅惟有沙場骨不枯

西施

日夕捧心憶嘗膽錦衣玉食不開顏自來報國與傾國祇在公私轉念間

息夫人

興周姜后脫簪珥強楚樊姬論相臣在息未聞進一語疑君本是不言人

讀史

古人去我遠遺編尙可親精誠偶感通痛癢在我身初讀陳琳檄快若將六軍惜哉不入蜀檄吳辱斯文熟玩出師表感慨忽沾巾

雜咏 三首

鴉啼令人憎鶯鳴解我憂觸警一夕話勝擲千人頭
處頭蝨皆黑附葉蟲皆青微物爾何知深藏自隱形
莫怪人心險勿嫌世途窄白雲多變幻明月有圓缺

重遊玉山

溪轉峯迴一徑通野花迎客滿山紅唐婆嶺上重回首二十三年似夢中

大霧

細雨霏霏霧滿天舉頭不見舊山川農耕漁釣渾閒事若輩關心是眼前

蠶婦吟

養蠶如養兒辛勤屢饕餮採桑得嘉卉悵然懷遠人勿恨無消息衣成寄與君

見白髮

將老我自知汝來殊無謂招搖稠人中不稍爲我諱我心方豪壯詎肯因而餒君
子隱人惡犯上無乃悖君看丹楓葉秋老更妍媚

觀劇

前推後擁似乘潮箏笛無聲柱石搖始信人心愛爭奪獨歸安坐轉無聊

自慰

進不爭先退自安世途雖窄一身寬眼前多少不平事祇當案頭舊史看

殺鷄

鄰翁遺我鷄鷄鳴求宥死烹之良不忍縱之無生理鷄肉不可食其類絕久矣我
其遠庖廚袖手作君子

遇舊

風塵念年別邂逅兩心疑率爾問君姓淒然覺我衰依依存故態忽忽負前期臨
去細相認重逢復幾時

羣仙行樂圖

來駕卿雲去御風何須龍鳳助豪雄兩階雜沓奴和婢猶是人間富貴翁

明皇秉燭夜遊圖

姚崇一死君王肥垂裳而治詔書稀金門深鎖光明燭六宮處處生光輝緩歌謾舞白日短宮樹千行燈萬盞風清月朗天無河繁星盡聚宜春苑酒酣攜手共遊山火龍蜿蜒花石間萬家夢裏聞仙樂一時恩澤滿長安爭權妒寵鄒魯闕胡笳驚散鴛鴦夢比翼連枝願已違春花秋月復何用蜀中山水依然綠傷心愁聽張徽曲經年不死遠歸來淒涼獨秉南內燭

永康小竹枝

晝伏夜皆出入閒市更忙聞道油源絕燈火何輝煌雙鳳不能飛石城不肯開相望復何益能來早日來連峯傘張蓋朝日鏡出函知郎肝腸熱相與上靈巖方巖祝胡公佑郎早破賊轉戰數千里名城多絕色

油菜花

油菜花發幽懷開遊興纔動春風催戲簪菜花過層厓例許踏青君草猜若離若

卽與君偕故將菜花棄塵埃生長田間陋且賤蜂蝶何事逐人來

雜詩四首

人生不可齊秉賦有賢愚枯榮與豐嗇相去更懸殊齊之以老死萬衆共一墟聖賢莫能免仙佛皆子虛長生如可學人滿將何如

兒時慕老成垂老羨兒嬉故舊忽零落耳目與我違憂慮老更速忘憂徒自欺不如日夕飲醉鄉春不歸爲我再斟酌還我年少時

大星何磊落一出衆星驚豈欲爭末光爲君漸啓明日暮復西出耿耿爲長庚人間重明月視之若流螢

兒時月皎潔玉盤新琢磨我老月亦老斑斑塵垢多今人有奇術飛書誘姮娥倘與大地通便須挽銀河掃除復洗滌勿再用干戈

獨酌

夜靜風微月滿階飛花勸飲入襟懷醉中栩栩復何有化蝶自佳夢亦佳

無題

欹枕尋思淚萬行惜花無計護殘芳人間何事更悲痛自剖心胸自裹傷

初春

豔陽解凍物回春歸思油然而屢逡巡觴詠已無盛年樂雲山惟有故鄉親夢多險惡慚蝴蝶命獨屯運信鬼神聊課園丁勤種樹濃陰留與後來人

閒居卽事

衡門寢處樂融融杖策行吟覓舊蹤丘壑日經雙屐綠親朋夜話一燈紅過猶未改惟餘傲病尙能興不怨窮獨善其身吾豈敢樓船鐵馬氣偏雄

咏史

阮儒固殘暴爭禮亦冬烘可惜阮不盡留下叔孫通
蕭何殺韓信張良賣四皓可憐三人傑受制一村媼
因憾殺俊又懷恩復悲嗟王導心目中何物是國家
清談足亡國清流徒殺身腐儒不足責洛蜀何斷斷

放歌行

男子生當設弧矢稍長何事曳長紳彬彬雖足勸奔競恂恂無乃類婦人自古王者皆好勇赫然一怒安斯民墨子非戰却善戰作俑伊誰偏重文中朝自此多外

侮民墜塗炭君爲虜腐儒信口談孫吳臨危遽認賊作父嗟予誤生古人後守株
辜負好身手挽將鐵弩試射潮買得龍泉贈屠狗酒酣起舞悲風來南枝北向
北山摧采石磯前浪作堆殺賊書生安在哉

雪

雪壓孤城曉角悲朝陽無力黑雲垂分明前路愈艱險粉飾太平空爾爲

南明山

在新昌城南有千佛巖大佛寺朱子舊遊處諸勝

千佛巖佛小如拳大佛寺佛高如山小佛玲瓏絕精巧大佛崢嶸不可攀敬之則
尊藐則卑小大似與佛無關佛云四大空無色幻相亦足警爾頑世人好異復多
欲匍匐祈禱如翻瀾巖畔大儒獨寂寞小儒瞻仰徒悲酸

雪後曉行

鵲噪晴窗曙色新歸途凍合淨無塵雪中落花千樹霧裏朝陽月一輪人語漸
喧知近市江流屢改欲迷津世間變幻何常有且漫抽毫事寫真

執爨

入世四十年未知世事艱衣帛復食肉目中無飢寒頑不辨菽麥弱不任躋攀茲

忝列法曹始學作火官執爨自爲炊辛苦師熊蹯衣冠坐塗炭畏客門常關有時
火絳掌映及盃與盤有寺烟眯目淚滴羹湯酸吞炭作豫讓乞芋向賴殘王事或

忝列法曹始學作火官執爨自爲炊辛苦肺熊躡衣冠坐塗炭畏客門常關有時
火燂掌殃及盃與盤有時烟眯目淚滴羹湯酸吞炭作豫讓乞芋向懶殘王事或
執掌發憤輒忘餐方知漂母飯來比千金難孰爲靈下養不堪列崇班

思歸

古人笑燕雀不知鴻鵠志豈彼鴻與鵠揣知燕雀意人各有所好有好卽有累燒
精事其神孳孳空營慧巧拙雖不同成敗亦何異百年一轉瞬慾海渺無際多求
詎能足知足斯可貴我願爲燕雀永托高堂庇慎莫作哀鴻日灑窮途淚

贈駱蘇笙

歡情美景兩依然夜雨春燈照綺筵劫後舊京無恙否不堪回首十年前

寒鴉

冰斷溪流霜滿林衝寒欲起弱難任哀鳴自信無他意憎惡愁君成見深

驚聞衢州築場

海東不易守守之計未疎強敵氣方銳攻堅若摧枯築場示欲攻揖盜無乃迂城
門倘失火吾其爲魚乎

月

月中何所有冰雪千萬堆人間清絕句多自此中來

止辯

世間真僞不作論巧者鼓簧習舞文出愛景物謂堪畫入對丹青誇逼真殿上指鹿未駭衆夢中化蝶竟忘身青編十傳九耳食况隔千載耳未聞俗士信書不經事是非爭辯空紛紜君不見黃巾訛傳蒼天死人不堪憂天何言

古意

佳人弄機杼涼風搖羅幃紉素織未成浮陽忽以微君子在遠道寒暑勿辭衣沉憂亂心曲何以理亂絲

昨宵鷄鳴遲今夜鷄鳴早憂喜俱不寐轉愁人易老遊子新來書善保千金軀

金華竹枝詞

游醺春來意漸勤曉窗理鏡待朝曛常嫌羞態窘難掩雙頰胭脂添幾分
花朝聞警下鄉來探望危城日幾回塔上無燈君且住遲歸未必惹人猜
芙蓉峯下美人多面如芙蓉黛若螺不用薰香香滿袖閒將佛手一摩挲

輕舟一葉小於身洞窄泉深意遂巡咫尺雙龍肯辜負人前忍笑試橫陳
中流停槳任東西風動垂楊烏夜啼相對無言意無限一輪明月照雙溪

書感

偶問人年暗自驚宦遊念載竟何成燕來渾欲忘賓主馬老猶堪共死生疏雨霏
霏春事晚清愁衰衰暮潮平中原北望空揮涕寶劍無光不作聲

春蠶

作繭藏身反殺生論功亦未及貧民秋蟬却隱林深處殘蛻還能濟病人

芭蕉

錢翹詩一絨書札藏何事先被東風暗拆看

一絨佳句世爭傳誤把春閨祕事宜私囑東風拆看後莫留隻字在人前

宣平道上

青衫綠竹滿山隈爛熳山花映水開欲去低回還小住夢中恍恍已曾來

紅燭

相對默無語沉沉畫閣深愁君昏不明揮淚剖丹心

雜句

酒使人昏迷茶使人不睡何當日飲水不醒亦不醉

郎妾吟

月雖落星轉明郎在遠道妾熒熒蓮花紅蓮房清妾貌衰時見郎心

少婦怨

父母好貨幣斤斤較鎔銖舅姑重奩具絮絮問金珠媒妁肆巧詐鑿柄愈齟齬萬惡歸一身于歸與哀俱手足既失措鞭撻無完膚夫壻頗相憐毋死忍須臾數年舉兒女愁眉略展舒心憐嬌女癡誓令識之無東鄰知書婦心膽殊豪麗析產訟兄嫂別居絕舅姑頤指復氣使役夫如奚奴獅虎雖貽貽誚終勝灶下猪

贈蔡丈菊甫

亂山虎踞水龍蟠深厲淺揭行路難惻然有感架萬安（橋名）鬻田舉債愁肺肝垂成再毀心未死夜聞雨聲輒驚起世間成敗何足計愚公移山亦如此

梓譽雜詩

乘興垂綸倦卽休蓑衣且莫笑羊裘婦娥甯有羨魚意偶伴幽人亦下鉤東溪釣月冬間樵牧自成羣嶺上清歌破曉聞怪底身輕腰脚健胸中蓬蘅足朝雲北嶺樵雲

拔類超羣氣勢豪，衆山環拱似兒曹。人間望眼無窮極，直上青雲未厭高。南峯插漢好，雨初晴草木香。西樓坐愛暮山蒼，白雲襟袖紅霞裊。珮解語春巒正，晚妝西谷樓臺拔宅飛。昇世詭傳燒丹辟穀更堪憐，避秦若願長留此。遍種桃花便是仙，鄭塢仙壇

園爐

煨芋烹鮮慰寂寥，緼袍雪夜煖如貂。休嫌烟火氣猶重，爐火青時炭已銷。

除夕客來

除夕他鄉邂逅逢，一樽相與餞殘冬。園蔬市遠出甘味，爐火宵寒作笑容。酣話同春梅乍放，新詩解凍墨初濃。年來事事落人後，且聽頭番報曉鐘。

好鳥

好鳥翩翩自過牆，山齋人靜日初長。偶來佳客逢茶熟，正及花時聞酒香。談藪漸通齊物論，舖糟新得駐顏方。臨溪每向漁翁囑，莫與外人說此鄉。

數日不出門偶賦

深居鷄犬自相親，不出柴門又數旬。遣去還來憎白髮，非愁卽病負青春。求秦未敢存奢望，畏蜀應憐似婦人。多難偏於閒處老，迴腸盡日轉車輪。

荒齋

荒齋昏暗鼠橫行污篋翻孟折短檠我自泰然安草榻酣眠終夜不聞聲

重遊安文

曾陪潘令此登臨避地重來感未禁四面雲山屏障在滿街瓦礫國仇深人微敢
上平戎策官冷惟應對雪吟聞說石龜已仙去懶尋殘殼卜升沉（石龜爲安文名勝）

彈鋏歌

思魚彈鋏衆所迂聞歌輒賞世所無焚券不疑亦不罪疏者如此况其餘後世卿
相孰好客李白韓愈空上書我亦能歌聊自娛嗚呼長鋏何往乎

書懷

傲骨癡頑與俗違詩情日長宦情微硯凹漸陷驚吾老筆凍難驅悔昨非強敵憑
陵空自奮故鄉淪喪欲安歸詞人自古無勳業憂國放翁淚滿衣

有感

有嫂不如姊有嫗不如姑內外均骨肉情意殊親疏婦人主中饋威權重於夫遠
歸蘇不炊羹羹劉向隅彼婦不足責丈夫無乃愚比隣有話詳掩卷一長吁

山鄉雜咏

人病夜驅鬼鳴鉦復吹螺神巫再拜禱錢穀前村多燃炬送之出謂可起沉痾以鄰爲鬼壑鄰其奈爾何

殺猪猪哀鳴主婦默無言迨猪氣垂絕曼聲招其魂餘恩結來生欲猪生益蕃惜哉猪遽死未及告同羣

牛日行百里遑遑欲何之兩眼蒙厚革彼固不自知旁有有心人意頗愍半癡可憐鞭箠下雖智亦奚爲

野行口號

兩家共畔土日削兩家共田地日瘠倘能與之無町畦世間大道如繩直

飲酒

平生不好飲舉杯若不勝意氣偶感激忽然輕斗升擲冠作鯨飲却立千人驚夫豈有別腸慷慨忘醉醒丈夫雖雌伏奮身能飛騰何當殺羣賊飲血盡百朋

遷居

連年避地住荒郊長鋏奚囊已盡拋乘輿偶然留短句隨緣到處有新交鶯遷豈

敢望喬木官冷何傷似繫匏莫怪故人漸零落邇來荃蕙亦成茅

新歲

新歲作嘉會晴暄聚比鄰淳風存故里好語慰勞人得酒春生座臨流句絕塵一生常作客轉與異鄉親

朝出

朝出陽猶微暮歸村已寂家人憫辛勤余意樂連璧

小窗

小窗春曉傍花開著句未成好鳥催今日胸中無俗念前山含笑過牆來

挽吳復夏烈士

虎兇率曠野肝腦塗中原壯士赫然怒奮飛上雲端鷹隼突下擊鳥獸縮作團功成歸故壘失羣鏃羽翰死者何慷慨聞者徒辛酸浩氣塞天地雄風起懦頑會當殲賊魁瀝血招忠魂

從軍行

無妻未有兒年凶田已荒一身無所戀搏虎如牛羊鄉里知我勇送我上戰場戰

爭若兒戲一死九逃亡將軍尤惟怯退避挾紅妝不惜孤身進令嚴畏中傷回望
成仁伴揮涕思故鄉

感懷

枵腹從公又一年詩腸日瘦骨逾堅不爲牛後况雞後欲使王前肯闕前入爨已
無材可用處窮惟有傲差賢水深火熱國如沸擬棄微官每泫然

禽言五首

婆餅焦婦心焦婆磬磬婦忉忉狂且三更不返與人烹羊急烹
泥滑滑雨淒淒少婦學把鋤犁田間牛喘人喘道畔鴉啼兒啼
脫破袴賣破布破布貴於縑素旁有書生羨汝袴破未能脫去
行不得也哥哥世途崎嶇坎坷織女支機用石天上亦復偏頗
莫道不如歸去故園蛇蟠鳩據鷹鷂遠來無時歸去却歸何處

感遇詩一章呈鄭公

十載黃楊厄舊圍春風忽共閨年來霑恩寒士無衣煖解意梅花連夜開敢爲一
身謀喫着好憑羣策振衰頽馮諼市義尙嫌隘擬借棠陰覆草萊

初得祿米

今朝有喜事得心乃應足踴躍歸告婦領得官倉粟雖勞淵明腰不負孝先腹儘
教貴於珠青黃亮可續合家正歡笑忽聞路人哭二男已應徵一女方議鬻獨飽
亦何心慨然留之宿明知後難繼且盡今宵粥

侃齋陳公爲吾巍始祖環清公婦翁二姓合好千載彌光仰瞻遺像慨然永懷

宋公塗次拜留侯况我先人仰庇床十里溪山同一姓兩家基業各千秋偶緣遊
宦沾餘澤難得重來且少留慚愧魏舒名未遂縣蠻鳥語不勝愁

陸放翁七歲遊安文有黃鳥正縣蠻句

之義鳥

駱子草檄氣如雲匠心巧運成風斤文章工妙非語言雷轟妖狐奪精魂宗公忠
憤撼乾坤欲憑意氣靖塵氛大呼過河動三軍身雖已死聲可聞明季壯士尤絕
羣制梃撻寇立奇勳千載餘烈何氛氲以義名邑豈虛文我家咫尺接桑粉時仰
高山挹清芬茲以陋賤荷國恩雖處艱危敢遂巡請纓無路抵觸藩且爲疫氓事
平反報國力薄志則存功罪得失何作論

諸俗

諸俗誓將傲態祛佩韋漸覺意安舒客談刺刺爲開瓮婦置申申自讀書未肯留
鬚愁氣盛不教刪竹愛心虛陶潛強項猶中悔種柳門前莫令疏

畫魚

巨眼長鱗異衆魚青緣尺水戀盤盂憑君潑墨添雲氣寫作鯢鵬變化圖

聞大軍失利悽然感懷

十年碌碌鶴乘軒日弄虛文欲寡言意氣如雲空自許襟懷把酒與誰論能詩已
誤杜陵事從戰難邀曹劇恩依斗憑欄一灑淚滿天烽火弔中原

七八月之間旱

大旱不可望雲霓爾事方急彼居奇雷師噤聲龍匿跡不聽不視如聾癡世人營
求神乎技回天終苦無階梯紛紛奔走媚神鬼霑街空有汗淋漓先生吟嘯獨自
若但囑急濬畎與陂明朝晴雨雖莫測明年水旱可前知爾能綢繆迨未雨旱魃
水伯胡能爲老農聞言頗首肯仰望赤日還獻歎

得雨戲作

我怨女禍氏好事補天罅忍令上恩塞膏澤不時下今欲乞涓滴誰復相假借伺隙求其疵擬作后羿射我固戲之耳龍意殊驚怕爲我起作雲俄頃霈然化雖未起枯禾已可熟晚稼乃知求達官須煩狂夫罵

甲申七夕

新月秋來瘦小園雨後寬人間征戰苦天上別離難治亂關私語艱危無冷官憑君爲乞巧試與挽狂瀾

嶺干行

施氏多英俊隱居南山陽聞名二十載未登君子堂孰意危難中邂逅見龍光諸郎皆驚喜問我何蒼惶數日不得食舉杯愧瓊漿沐浴翁媼入室芝蘭香耄勤善談論龐眉鬢未蒼始信林泉樂誓將返故鄉別來每耿耿良晤不可忘引領望南山如在翁媼旁

奉贈金菊丞丈

殘暑日以消老人日以康稻花入吟篇齒頰有餘芳生民美秬秠意味何深長山村孰云陋阡陌生輝光我來正饑渴喜聞新粳香佳句佐盤餐一飽不敢忘

中秋

一生幾中秋萬家樂今夕身世有悲歡江山自風月俯仰意無限紛紜果何益青春忽如夢往事不可說舉杯挹清光且滌肝腸熱

早寒

今年寒特早九月風如鏃佳日不可得秋去驚何速遊子未授衣愁聽窗鳴竹晨起惘然出信步就初旭清霜入苦吟得句澹如菊未須傷遲暮籬東尙馥郁

遣愁

白雲繞親舍咫尺最相思故國窟狐兔窮鄉忘歲時愁多籬菊老吟苦酒盃知日日間消息書來但益悲

苦寒

今年寒特甚凍溜碎簷瓦待伴雪不消垂地冰欲瀉四郊寂無聲百鳥噤如啞沙土皆空起琉璃滿田野雖云兆豐年恐有凍死者少陵念寒士安從得廣廈晚來風更厲淚滴珠盈把

贈陳丈哲甫

湖海嘗輕萬里程一官躋蹻負平生偶於末技見才力已被小兒知姓名多病却教垂老健留賓自愛汲泉烹春風雜沓門如市髣髴臨邛馬長卿

窮鄉

窮鄉蒙戰禍血跡尙斑斑天地存兵甲江河著驚頑時危傷老至氣空覺詩孱
卒偏驕悍郊扉夜早關

喜聞敵敗降

勝敵意中事驟聞却驚疑奔走轉相告狂呼動窗扉指畫如目覩猶恐信者稀雖非故欺罔張皇頗自欺中宵獨旋轉疑懼恐人知明朝確信來喜極翻沾衣

得鳳兒自遵義來書

杳無消息已經年日望歸鴻眼欲穿感謝元戎爲破賊得書未讀淚潸然
七年不見竟何如再舉雛孫但報書前盼速歸今欲緩亂平各路自通車

移長興鬱鬱有歸志

人生無根蒂散花隨飛揚墮地偶然耳何處是故鄉偷生大海中鄉土更渺茫跬步悲異國無乃類癡狂我家甌山側奔走歷四方飄泊三十載忽落太湖旁明月

隨我來傍湖多清光官舍存環堵良夜獨彷徨城市盡爲墟湖田半就荒自嗟才力薄無以安流亡知機懷范蠡扁舟足自藏胡爲學王粲兒女多感傷

曩夢一雉低飛以長竿按其頸而獲之吉凶不可解迨抵長始
悉長城一名雉城豈行止果前定歟

長興舊宰歸有光名其堂曰馴雉堂此公大才勝魯恭仁政自足化兒童幻夢驅我亦來此獄滿囚徒愧馴雉刑期無刑敢自欺願雉高飛我當歸

周丈育三見過云孫元良將軍嘗於盛會中褒揚鄙拙程公介
生自吳興歸所告相同猥以魚目唐突璠璣感懷身世不覺泣
然

萬家廬舍盡成灰霜重風狂夜哭哀怪底嚴冬天乍煖將軍旗鼓入城來
掃穢夷艱耳目新清談良夜每留賓試憑青簡數名將儒雅風流有幾人
到處逢人說項斯高風寂寞已多時報恩不是書生事付與蒼生作口碑

連日風雨

兼旬不出愼風波譜就梁山未忍歌酒似疎交愁裏絕春成虛惠雨中過行裝黯

淡隨人老鄉夢依稀傍曉多河決山崩民愈困雲天悵望淚滂沱

好句

好句長吟日幾回風流自賞漫敲推世人知否何關我空谷幽蘭歲歲開

贈章丈鳴皋

士林作嘉會少長集英豪座中有佳客溫溫曳長袍細眼頗短視衰鬢未全凋手持短竹管烟盡頻自敲坐近問名姓云是章鳴皋余聞突躍起熟視驚新交夙仰智且勇以爲闕如虢斬木率丁壯殺賊盈城郊一身衛桑梓羣盜遠遁逃誰信短竹管指揮勝長刀孰意盛名下抱璞甘寂寥有功不食祿素餐愧吾曹魯難未云已奸宄尙如毛誓將隨夫子爲國安漁樵

苦熱多汗戲作短歌

冬汗四肢煖夏汗遍體涼惟汗實爲寶使爾壽而康汗牛足民食汗馬爭國光儻爾不如物汗顏多恐惶我雖作冷官浹背日如漿朝夕對青簡頗聞古汗香下筆何淋漓揮灑條成章勿謂徒自苦此樂已足償

丙戌七夕

織女牽牛應老矣一年不見似無傷欲煩好事衆烏鵲先爲災黎填海塘

沈丈輝山八秩

手栽松竹自爲鄰就養耄年遠入秦白傅籃輿隨處樂將軍楊柳度關春羣英後起典型在萬里東歸日月新鄉黨念翁望久矣壽觴好與洗車塵

八月十日與周任諸子飲至醉

八月金風入夜清濱月湖色倍分明良宵難得吾當醉狂態易萌子莫驚久客未能忘節物多愁正坐戀歡情甲兵滿地憑誰洗且挽銀河共一傾

止酒

盛筵俯仰失餘歡醇酒遺愁亦自難連日病醒人寂寞中秋辜負月團圓豪情豈獨爲身累世事從須袖手觀莫笑無聊把苦茗荒城惟此稱窮官

送鳳兒往美國

八年不相見萬里遠歸來歡聚纔半日舟車又相催此行超重洋萬里爲庭階自恨身垂老奮飛無由偕平生慕宗慤誓往求蓬萊我願爾代償喜甚還自哀願爾窮寶山勿載虛名同七旬祖父母壽筵待爾開

感懷

白蝦紫蟹慰遲留，雲水弁山又一秋。
可愛物都能作病，無關事亦解生愁。
宦途垂老愈狼狽，勳業於人風馬牛。
宿將似聞收水盜，太湖便擬弄扁舟。

大風雨

狂風捲地地雷鳴，檐溜倒接河漢傾。
雖近重陽例多雨，橫暴特甚老人驚。
終宵不寐守環堵，窗搖戶毀隨撐拄。
英雄救國亦如斯，書生論兵何足數。
明朝洋洋庭可漁，風勢稍殺氣猶粗。
吾生年壽倘前定，如此惡日應刪除。

復飲解嘲

惡醉強止酒，稍久不自持。
頗如難產婦，隔歲復生兒。
我飲本偶然，強止亦何爲。
季世忽禮讓，古道存酒卮。
親朋重意氣，相勸詎能辭。
我醉衆盡歡，此樂能幾時。
花好莫愁謝，月圓莫愁虧。
舉杯酬親朋，同醉勿獨違。

陳高祖聖井在長城東下，
簪里有歸有光銘碑相傳高祖始生時，
井水沸涌出以浴，帝云：

六朝遺迹已成塵，荒草盈庭碑尙新。
誰信帝王發祥地，留傳一物賴詞人。

陳以井興以井亡寒泉好事媚君王
 倘教沸涌惠羣庶餘澤千年應更香

王曾三前輩六十

蘇子昔陪歐陽公賦詩意頗與我同
 公今六十顏猶童光浮兩頰朝霞紅
 籬菊煌煌傲霜風虬松凜凜摩蒼穹
 吾鄉學子多困窮名場赤手戰羣雄
 亂山急水寒氣鍾縱有光彩爲鉛銅
 公內剛強外謙恭得天獨厚常從容
 久治官書有陰功男爲麟鳳女乘龍
 歐陽夙爲蘇推崇追隨况復經陶鎔
 陽回日煖春酒釀湖上舉杯齊雙峯
 吾詩豈敢比文宗博公一笑鳴鐘鏞

下鄉

清渠交錯貫幽潰薄暮碁聲隔岸聞
 紅樹數行烟外合翠巒千疊雨餘分
 地多魚米逢凶歲邑似磨礱駐雜軍
 茅舍不完人菜色寸心何以展殷勤

元日赴宴隨往香山望太湖

新歲相招不可違醉餘乘興覓漁磯
 天低水遠銀盤合帆飽船輕蜨蝶飛
 斜日搖波氣浩蕩壯年浮海夢依稀
 同遊難得皆英俊滿載豪情踏月歸

百物涌貴時人目之爲潮

席捲勢成莫抗衡
洵一日幾回驚有增無減竟何似
若說是潮合已平

周子種菜有不教珠桂困窮官句戲和一絕

課吏灌園暮復朝
手鋤蔓草翼新苗
豈徒斗米困彭澤
一飽菜根亦折腰

鑷鬚戲作

窮官誰與拂藜羹
羞對鬚鬚雪數莖
那得俸錢多似爾
適纔去盡又叢生

謝安傳書後

博弈方酣捷報來
從容終局信悠哉
殘棋勝負君知否
偷喜揣摩試一猜

誌異

世間怪異無過此
孕婦張口忽生子
人形畢具稍模糊
觀者聚訟惜其死
全體通過老生譚謂徒虛語
竟驗矣

解紛

我悲婦相戲謂我
啄如猪援鏡挽我
照一室皆軒渠他
日婦暴怒赫然面
目殊報之以是鏡
慚顏頓和愉因述
適所見醜惡猪不
如彼固諱老醜庶
幾改之與

眼鏡

時方求外助

燈昏老眼欲生花
借鏡扶衰漫自嗟
但恐功多翻受制
非無可奈莫求他
閨意

荒郊春至奈愁何
楊柳青青水綠波
不怨長征人不見
眼前魚鳥亦無多
游俠傳

一諾輕捐七尺軀
是非恩怨兩模糊
風塵何處無奇士
却讓權門蓄狗屠
西湖

萬家歌舞樂昇平
碧水無波月有情
漫把西湖比西子
沼吳功罪未分明
宴安

大抵人情懷宴安
遊敖博弈各尋歡
年來柴米如珠桂
爾欲臥薪亦自難
雜感

尊強侮弱物皆然
其豆同根亦自煎
世態中年看已熟
願人嫉妬莫哀憐
湖上雜咏

千金誰肯卹流亡
慷慨正惟酒色狂
我願西湖成樂國
哀鴻一一化鴛鴦
議開舞禁
湖山本不礙樵漁
興利裕民計未疏
最好關潭供沐浴
柳陰自集美人魚
議養魚

燈紅酒綠夜銷魂歌館終宵不閉門貴賤昏昏都入夢幾人聽到賣餛飩

說取締深夜賣餛飩

孝 豐 道 上

籃輿盡日畫中行徑僻人稀幽鳥鳴兩岸蘆花滿山竹清溪繞郭是蓉城

孝豐一名芙蓉

胡宗南將軍故里

谿山明秀絕蠶塵故宅蕭然學舍新惟不帶錢斯愛國功高天下孰能貧

和周子功甫留別原韻

後至同僚已再遷荒城留滯復誰憐驚心節物愁衰鬢得意名場負少年更事寡情猶惜別悲秋有例不成眠新詩欲寄重回首獨對黃花一悵然

日 夕

日夕庭閒鳥雀忙微官多助一身藏本無奢望窮何害猶有童心老不妨說退未歸慚寡信消寒小飲憶重陽升沉來日誰能料舊宰空留夢鼎堂

長興縣廨有夢鼎堂碑明歸有光作

修容解嘲

東坡有膏而染髮聊自欺句

膏染殷勤不厭奢孱顏煥發晚山霞修容正是老人珍重秋殘未落花

書法官訓練所同學錄

席上羣英論未休十年彈指水東流不須淪落怨衰鬢開卷分明見莫愁

五十書懷

五十之年忽焉至壯心未遂一酸辛無聞且莫遽安命足歲還須過二春
父母俱存固足樂遠遊終歲得無慚平安賴有雛孫報一紙塗鴉喜滿函
卅載相於先我老一家撐拄賴妻賢比聞廬舍重修葺典却兒時舊翠鈿
東坡望有公卿子我恐虛榮誤俊才世亂聰明宜述作願兒學就早歸來
名場聲價翻爲累官海風波却療狂我自無知天已厚故園松菊有餘芳

丁亥臘月送國子永慶赴吳興

放浪江湖倦未還清樽難得一開顏功名但覺他人易衣食無如此日艱亂甚可
能否後秦老來真以歲爲關孤城急景催離別揮涕送君雪滿山

家書

不問歸期祇問安連篇好語勸加餐篇終却說春醪熟留待人歸一盡歡

書憤

齊魯幽燕半戰場孤軍猶自戍遼陽天生吾輩等螻蟻世亂羣雄化虎狼百事仰

人貧不國萬錢沽酒醉無鄉連年顛沛腸堪斷不道安居更斷腸

次韻答虞挹山

荒城寥落不知春但覺詩篇日日新何事愛眠老詞客偏將春色惱愁人
寇盜紛如蔓草滋民窮財盡勢難支揚湯止沸復何益再度流亡知幾時

陳雪翁作鸚鵡圖

鸚鵡從來不自由向人輒語背人愁不知此鳥獨何幸自愛名花盡日留

贈 吳 季 高

陶母樂施與里無饑與寒萊妻勤栽培庭長桂與蘭先生更好禮馳譽搢紳間積
善宜有慶胡不免憂患虎兕涉太湖狼狽入窮山顛沛有餘痛菽水猶盡歡奈何
喪愛子賊去骨未還報國雖云烈招魂摧心肝天或相孫權繼起奮雙鸞忠孝永
不匱簞水自潺湲

495.7

121

BC

26.7